

P.M TUUM ZĪIGĒ

GOOFNEER NO-RĒESA

BURKĪNA FASO

Tõnd Tēngā yīnga, d saka kūum, la d na tōoge

**MINISR-DĀMBĀ TIGSG
KOESE**

(PP-G N°001-2026)

A Pēgdwēnd Zībæer WEDRAOOGO

Waogdgo, yvumnd 2026 yvum-vēkr kiuug rasem a 8 daare

Minisr-dāmbā maana b wakat fāa tigsgā Waogdgo yvumd 2026,

Yvum-vēkr kiuug rasem a 8, lamus daare,

yibeoog wakat a 9 n tall n tãag wĩntoog wakat 12 sēn loog mn 37,

Sōnegselāns Kapitend Ibrahim TARWOORE sēn ya

Tēngā taoor soab n le ya Minisr-dāmbā tigsg

taoor soab n lvi tvumdā taoore.

B zĩndame n bal n wegs daarā koe-zutu,

n kelg koes b sēn wa n taas-ba,

n lvus neb tvum taoore,

la b kō sor ti b sigl tvum tēn-taase.

I. DAARÃ KOE-ZUT WEGSGO, LA NOY RIGSGO

I.1.YŌ-KOGLGO, SODA-KUD BI ĀNSIYĒ KŌMBATĀ-RĀMB MINISTĒER ZĪGĒ

Ministr-rāmbā tigsg saka tūvmd sēn **yl wilgr sēb a yiibu (2).**

Pipi sebrā gomda **no-rikr** yell sodaas naam kūun yīnga.

Nin-wēnsā namsda tōnd tengā yvum sēn zār masā. Yel-kāngā kitame ti sodaasā sud fa b kall n kēes b m meng laafi wā na lebg n wa pvgē. Sodaar tūvmd sul wvsg roga yellā yidgr yīngā.

Yilē ti yelā yāk nenga, rēnd b lvus neb taoor wa laloa limor 039-2024/ALT sēn dīk yvum 2024 sīpaolg kiuug rasem 29 daare, sēn kēed sodaar tūvmd no-tūuds wēngē.

No-rik-kāngā na n kitame ti b kō sodaas kēer naam, sēn ya yell zall b sēn zi n maandē. Yaa sulieotena-rāmbā tūvmā la b naam reegr goama.

Soda-nanam-bāmbā tūma yvum saar la b le wilg sodaarā tūvmd weoogē ti b tōee tūvmā, n le tōe neb kiblgū.

No-kāngā rikrā na n yi sabaab ti goofneerā paam sor n tum wa sēn segd tēn-tōrā koglgā yīnga.

No-kāngā na n kitame ti sodaarā naam zāab paam pāng n paase, sēn yud fāa zab-laasā zīgē.

Sebr a yiib soabā gomda **noor sēn saagd rikr** n na n lebg n ges laloa limor 2023-0501/PRES-TRANS/PM/MDAC/MATDS/MEFP/MJDHRI/MEEA sēn dag n dīk yvum 2023 tūvmd-nif kiuug rasem 28 daare, sēn kēed Vedepe-rāmbā (BVDP) sull sēn boond ti birgaad luglg wēngē.

B sēn na n lebg n ges noayā sēn kēed Vedepe-rāmbā siglg wēngē wā na n sōngame ti raab wvsg pids paam pidsg zābrē wā.

Ad no-paalgā sēn wa ne toeeng ninsi :

- Vedepe-rāmbā Birgaad belem masā wa sodaas rēnd ti goofneerā mi a tiiri;

- Vedepe-rāmbā tɔm buk-buk gānegr vēnegre;
- b zab-yvvrā vēneg-n-wilgri ;
- Birgaadā luglg noorā na n kell n pa a zīgē, toeeng sēn wat n beē na yɪ noay taab pɔsē la b n kēes-ba.

No-kāngā na n kōo Vedepe-rāmba sull noy b sēn na n tū n wa ne bāan tēngā

I.2. LAOG KĒGSG NE A TALL-N-TUM MINISTĒER ZĪGĒ

Minisr-rāmbā tigsg saka **noay a yiib (2)** sēn gānege.

Pipi noorā gomda ligd sēn tog n yao sɔlg yiy la sēn ka ne sɔlg yiy ligd-kēesd yelle.

No-kāngā ya b sēn lebg n ges noor ning sēn da rik yvumd 2022 yvum-vēkr kiuug rasem 24 daare, t'a limorā ya 2022-054/PRES/PM, sēn kēed ne ligd sēn tog n yao sɔlg yiy la sēn ka ne sɔlg yiy wēngē. Noorā gānegr tēka, tēngā sɔlg yiy yel wēngē yāa teoong sēn tū ne Safa (SAFA) luglg. Safa yaa tɔm-noor sēn get sɔlsā yiy meebo, b yidgr la b zāab yell Burkīna Faso

No-kāngā tɔlsmā yaa sēn na n kit tɪ Safa masā lebg tɔm-noor sēn get sɔlsā yiy ligd zāab la a reesg yelle.

No-paallā sēn wa ne teoong ya n :

- teem ligd-zēmsā sōor so-toagdbā sēn yaood tɔm-maadɪ wā yīnga;
- zīndg ligd-yao-paalse : tɔm yolsgo, meebā yidgri, koglg, teed wa sānem bɪ ligd-rɪtɪ wā toaal wēngē ;
- vēnegr nao-kēn wilgri, sēn na yɪ tɪ ligdā kēesg ra yɪ liib-liib la yɪ nana.

No-kāngā gānegr na yɪ sabaab tɪ b tōog n luglg sɔls yiy ligd kēesg na-kēn-paals la b gāneg no-tūur tɪ toglg ne Safa tɔm-noorā luglg

Noor a yiib soabã gomda b sên na n kô tũmã ministeer sor t'a reesd tũm-maandi ligdi.

Ligdã kēesg ne ministeer ning sên get-a tũmtũmdba, la tēn-tōrã nin-buiid vum-n-taar koglgã, yaa yell maaneg pugē b sên gāneg noy wusgo. Yaa noor ning sên dik yũmd 1999 yũmd sigr kiuug rasem a 9 daare, n gomd ligdã kēesg nao-tũudi sên ya to-to. No-kāng limor yu 99-184/PRES/PM/MTESS/MFB, sên le paas yaa noor limor 2003-304/PRES/PM/MTEJ/MFB sên dik yũmd 2003 sēoog kiuug rasem 16, n le paas noor limor 99-183/PRES/PM/MTESS/MFB sên dik yũmd 1999 sigr kiuug rasem a 9 daare, n tek ligdã yaoob luglg la nao-kēnã sên ya to-to sên kēed tũmã raas ligd-zēms wēengē la noor limor 2003-303/PRES/PM/MTEJ/MFB b sên yiis yũmd 2003 sigr kiuug rasem 16 sên wa ne tekrã.

Yũm yagr masã loogr poore, b gũus n gesame ti yel wusg n ka zemsd tũmã tũ-maaneg pugē n dat remsgo. Yaa wa noay waooglmã la tũmã la tēn-tōrã nin-buiid vum-n-taar koglg wēeng me tekame n tak tũm-maandi-paal n wa paase.

No-kāngã tigma noayã fãa sên kēed ligdã kēesg wēengē ti b fãa lebg no-yeng tãa la a le luglg tũm-maandi-paaal me yesa.

Tũm-maandi-kāens meng-meng ya n :

- sōng tũm-noyã ti b sōng neb ti b paam tũma ;
- sōng tũm-noyã ti b veesdē get b tũmtũmdbã sên tũmd ne masīn-dāmb ka tōe n wa ne sabab-wēns b zutu;
- sōng lagem-n-taar sul toor ti goofneerã paam n mi b belem tiiri.

No-kāngã lugla no-paal la a kit ti b na n tōog n kēes ligd n paase, Leta wã tũm-maandi yīnga.

I.3. MINISTƎR NING SƎN GET-A BURKĪNA NE TƎN-TAAS ZOODO, ZEMS-N-TAAR NA ZĪND TƎMSĀ NE TAAB SUKA, LA BURKĪNABƎ- RĀMB SƎN BE TƎN-ZƎMS YELL ZĪIGƎ

Tigsgā rāmb sēn zīnd n sulg n ges tʊmā, b saka tʊm sēn yul toagsg sēb a yiibu (2).

Pipi sebrā yaa **noor b sēn saagd gānegre**, n baood no-tūudr rikr sor kūuni, sēn na tōog n dems no-sur ning sēn gāneg Monreyall (Montréal) tēng 2014 yʊumde, tʊl-nif kiuug rasem a 4 daare, ti kēed ne manesem la beegr tʊm sēn maand yīngr bi saag zug bōn-kēnds (ayeronef-rāmbā) zīisi.

Monreyall no-tūudrā yaa āndūni wā zāng pān-kengr tʊm biis sēn kumbe, ti no-sur ning sēn gāneg Tokyo wā na n sāeeg n kē zīig zānga, sēn na sōng ti tēms nins sēn pa tēms saag zug bōn-kēndsā sēn tar b rāmb limoyā, tēn-kāens paam pān-tōog n tōe n lek neb nins sēn tar manesem la tʊm-yoodā. Sā n ya tilae ti tēmsā fāa tū no-tūudrā sēn gānegā, boto na n sōngame ti tēmsā ne taab zems-n-taar paam pānga, ti manesem la tʊm-yood sēn da maand saasē bōn-kēndsā zīisi woog zembal ti sak tʊmde.

Burkīna tēngā sīd lʊusa a toog hal kēoong Moreyall tigsgā pʊgē 2014 yʊumde, la sīd yu tigs-kāngā pʊgē la no-surā paam gānegre.

La ad yaa 2020 yʊumde, yʊum-vēkr kiuug pipi daar la b sing n tar-a n tʊm-ne. Hal rē n tāag rūndā daarā, d mikdame ti yaa nug-tigs bāmb 36, sullā pʊgē naagr sēb 20, sakr sēb a 3 la sullā pʊgē kōom sēb-bāmb 30 n be ti b tōe n dīk n wilgi.

No-kāngā b sēn saagd gānegrā pʊgē, b ratame ti tōnd tēngā sak n kēes a meng zāng no-sī-kāngā pʊgē, boto no-tūuds nins fāa sēn gāneg ti be a pʊgē wā tōogd n paama pidsgu.

Tigsgã rãmb sakame, ti b rik no-kãngã b sên saagd ganegrã n taas Trãrazisõ wã depite-rãmb taoore, sên na yil ti b paam n sulg n ges-a, n tōog n sak-a.

Tuum sên yil toagsg sebr a yiib soabã yaa noor b sên saagd gãnegre, n na n dig Burkĩna Faso Kõnsil Onoreerã sên be Bãngi têngã n yiis-b b tuumẽ.

Sên tũ ne no-rikdg 1° 018-1046/PRES/PM/MAEC/MINEFID sên yi 2018 yuumde, sipaolg kiuug rasem 22 daare, a Mise Bukare SALÃMBOOR paama tōogo, n lebg Kõnsil Onoreer sên kō Burkĩna têngã n be Bãngi.

B sɪd zĩnda be yuum-saare, la b mikame ti b Kõnsil Onoreerã tuum pugẽ, kongr la pãn-komslem n zĩnd be ti pa sōmb ne tōnd têngã ye.

No-kãngã sakrã na n kitame ti b rig a Mise Bukare SALÃMBOOR sên da yaa Burkĩna têngã Kõnsil Onoreerã n bas tuumã, ti bala a maana beeg-kãsenga, la rē zemsã ne sên gãneg ti be no-rikdg 1°2024-0453/PRES-TRANS/PM /MAECRBE /MEFP b sên yiis 2024 yuumdã pugẽ, tuul-nif kiuug rasem a 7 daare, n yals Kõnsil Onoreer-dãmbã tuum-soog no-tũudsi, la b tuntumdi sên segd n yɪ to-to tēn-taase, ti be a no-rikdgã koeg 15 zĩgẽ.

I.4. MINISTEER NING SÊN GET-A GOOFNEER TUNTUMDBA, LA TÊN-TÔRÃ NIN-BUIID VUM-N-TAAR KOGLG YELL ZÎIGÊ

Tigsgã rãmb sên sulg n ges noyã, b saka **no-rikds a yiibu (2).**

Pipi noorã yaa ministeer ning sên get goofneer tuntumdb la tēn-tōrã nin-buiid vum-n-taar koglg yell yōgneg la a gãneg-yã.

No-rik-kãngã yaa noor ning limor sên ya 2024-1464/PRES/PM/MFPTPS, sên yi 2024 yuumde, sipaoolg kiuug rasem 27 daare, n gãneg ministeer ning sên get goofneer tuntumdbã, la tēn-tōrã nin-buiid vum-n-taar koglg yellã la b rat n ges n demse.

Tuum-kāngã pvgẽ, b ratame n dik kademsã sên lebg n siglã, n paas Goofneerã sên yã toglis nins ti yaa paalsã n lvus svka, ti tuum-noyã la ministeer-dāmbã sood maneg ti zems wa sên tũud ne b yõgnegã soay sên gāneg ti be ti b segd n tũ wã.

Teoong nins sên ya-b paal n be noorã pvgẽ la woto :

- goofneer tuntumdbã bāngr la b tuum-minim kaset sēb mens gũus-n-gesg tuum-noor luglg, koεeg-koεega Este-Adete/Ape (ST-ADT/AP) ;
- tuum-noor sên na n ges tuntumdbã la tēn-tõrã nin-buiid vum-n-taar koglg yell Burkīna Faso reezõ-rāmb 17 wã pvsẽ luglg, koεeg-koεega Deyerefpetepeyes « DRFPTPS », ti yē na n yī Goofneerã tuntumdbã yell gesg tuum-noore, la tuumã ne nin-buiidã vum koglg tuum-noor sên be reezõ-rāmbã pvsẽ sên dik n fāoog taaba ;
- goofneer tuntumdbã, tuum la nin-buiid vum koglg yell gesg taoor soab pvgdeng zīnigr reezõ-rāmbã pvsẽ ;
- tuum zīisi yolgemde, yõ-koglg la laafi yell gesg tuum-no-sak sên da be laafi yel-getb zīgẽ teoongo, ti lebg tuum zīisi yolgemd la laafi yell gesg tuum-noore ;
- tigs-bēd la sēgs yõgneg taoor soaba, la sāamb naab zīnigri.

No-kāngã sakr na n sōnga ministeer ning sên get-a goofneer tuntumdb la tēn-tõrã nin-buiid vum-n-taar koglg yellã t'a paam no-tũuds sên zemse, sên na n sōng-a t'a tum a tuumã wa sên segde.

No-rukdg a yiib soabã yalsa tuum-no-sak ning sên ya-a toor-zallã so-tũudsi, ad yaa «Tēng-gāongã tēngr la a zug laog baoobo, la kuvrã wã tuum-no-saka» no-kāngã yaa noor ning limor sên ya 2021-0430/PRES/PM/MINEFID/MFPTPS b sên yiis 2021 yvumde, sig-noy kiuug rasem 19 daare, n gāneg tuum-no-sak ning sên ya toor-zallã tuum so-tũudsi, « Tēn-gāongã tēngr la a zug laog baoobo, la kuvrã wã tuum-no-saka », sên na yil n paam n tum ti zems b sên yals teoong nins ti be goofneerã ministeer-dāmb sood tuum sōdgr sebr puga, (RIME), la b

manes no-tũudsã tı zems rũndã zamaanã rẽnda, tũum-no-sag-kãngã tũum sõdgr sebr weengẽ.

Teoong nins sẽn ya-b bẽd tı b tõe n sõdg tı be no-kãngã yaa wa sẽn pvgdã :

- neb b sẽn na n yãk n kõi tĩog tı b lebg elẽgtroteknisẽ-rãmb Tẽknisẽ siperyeer ã enerji wã tũumd pvgẽ, tı be tũum-no-sakã no-loogds pvsẽ ;
- ẽnzeniyeer-dãmb zĩnigri, tẽn-gãongã baoosgo, a tẽngr la a zug laog baoob tũum pvgẽ (zeoloji e minid), tı yı tẽn-gãongã baoosgo, a tẽngr la a zug laog baoob tũum-no-sak tũumd n na n ges rẽ yelle ;
- tũumdã vẽnegr pvgẽ noor kẽesgo, sẽn na yul tı b paam n bãng « goofneer zãmsg kũun tũum-noore, bı so-m-toor dãmb rẽnd Leta sẽn kõi sor tı b lugl» sẽn ya a soaba, la b sẽn tar n wilgd nus tũum zãmsg zĩisi, tı ya bũmb sẽn be no-tũudsã pvsẽ ;
- noor sẽn ya toor-zalle, tı kẽed ne goofneer tũntũmd sẽn ya zãmsd tũum-no-sak a to pvgẽ.

No-kãngã sẽn gãnegã sakr na n sõngame tı b paam yõgneg la kũmsg sẽn zems n be neere, n kõt rasãnd goofneer tũumã pvgẽ.

I.5. MINISTEER NING SẼN GET-A BU-KAOORE, NINSAAL YEL-SẼGDI WAOOGRE, LA TUUM-NOY KIBLG YELLÃ ZĨIGẼ

Tigsgã rãmb sẽn zindã b saka tũum sẽn yul toagsg sẹb a yiibu (2).

Pipi sebrã yaa noy a tãab (3) perzidã wã sẽn saagd gãnegre, n dat tı b tõe n tũus neb n kõi b rãmb tĩog tı b yı bi-bees koglg taoor dãmba, pipi, yaa ẽspegteer de sekirite penitãnsiyeer mazoor-dãmba, a yiib soab yaa ẽspegteer de sekirite penitãnsiyeer diviziyoneer-dãmba, t'a tãab soaba, yaa ẽspegteer de sekirite penitãnsiyeer prẽnsipall-dãmba.

Neb rik n ning naam taoor kãngã yaa sên na n tũ noor sên ya no-rik kaseng limoro 2017-0885/PRES/PM/MJDHPC/MINEFID bôn-buvung kiuug rasem 21, 2017 yuumdã sên wilgd ti b segd n paasa bi-bees roog sodaas tvmã naam pãnga.

No-rik kasen-kãngã na n sôngame ti b mag n balg n yâk neb a **tãab (03)** ti b yi bi-bees roog sodaas êspekteer mazoaar dãm̃ba, neb a **nu (05)** ti b yi bi-bees roog sodaas êspekteer divisiyonêr dãm̃ba ne neb **piig (10)** ti b yi bi-bees roog sodaas êspekteer prêsipal rãm̃ba.

Yiib n toagsgã yaa sên kēed ne no-rik kaseng sên boogd bi-bees sibgr 2026 yuum-vêkr kiuug pipi raare.

Têngã no-vigindg 1991 sigr kiuug rasem a yiib yuumdã, a no-rikdg 54, kôta têngã Taoor soab lohorem t'a tõe n kit ti b kô bi-bees sibgr sugri. Rê n so ti yuum vêkr kiuug pipi raar fãa, têngã Naab talld no-rik kãngã, la loa limoro 010-2017/AN tvul-nif kiuug rasem 10, 2017 yuumdã sên kēed ne Burkĩna Faaso bi-bees roog bukã sên kô sugrã no-tikdga, n kôt beegdbã sugri.

No-rik kasen-kãngã yaa sên na kô beegdbã beegr sugr zãnga, wall sên na n kuvug b beegrã n zemse, wall maneg n tedg b sên da bu n pag-b rãmb b yôor tek roog ti yi zem-zeme.

Rôandã 2026 yuumdã, yaa neb **kobs-tã la pisopoe la a yiib (372)** sên be bi-bees roog n paam ti beegr sên da ketã sa zãnga, ti neb **kobs-nu la pis-wae (590)** paam ti boog b beegr sên ta wa yuum a tãab n digd kiuug piig la a yiibu, sên na n baase, ned a ye n paam ti b tek a yôor tek roogã.

B sên tik bũmb nins n kô sugrã yaa yuumdã, yãadlmã, laafi kaalmã wall beegdã kô meng koobã tvm̃de, nug tvm̃ la tvm̃ n kô nin-buiidã weengẽ.

B sēn tik būmb ning n yud yaa beegdb nins sēn n koos ti b tedg b beegrā ti yī b sēn boond ti TIG (Teyize) sēn ya tūm n kō nin-buiidā.

No-rik kãensā sēn ya boog wall kō beegr sugrā, yaa ninsaal na yī neerā sēn dat ti b kō beegd zu-noogo, a sēn nang pānga a na paam lohorem yīnga.

No-rik kaseng kãngā kitame ti b kō, wall n boog bi teedg neb **kobs-wae la pisoob la tãab (963)** beegre, yvum-vēkr kiuug pipi raar 2026 yvumdā.

Nin-kãensā yuy na n yī Burkīna Faaso zurnall ning sēn boond ti Zurnall Ofistiyell di Faaso wā.

1.6 SĒN KĒED NE MINISTĒER NING SĒN GET LOZIND-DĀMB TUUMA, LEEBGO, LA NUG TUUM KIBLG YELLE

Minisr rāmbā rasem a yopoe tigengā rika no-rik kaseng n tek no-rik kaseng limoro 2024-1251/PRES/PM/MICA/MEF/MI zī-likr kiuug rasem 29, 2024 yvumdā sēn kēed ne leebg tūm no-kaseng ning sēn get-a « tērā bāng manegr ne luglg yell ; » zīnigrā.

No-kaseng kãngā tekrā yaa sēn na n sōng ti leebg tūmā no-kaseng ning sēn boonda ti Sowaf (SOAF) sēn yaa Afirik tēngā wīndg sēn lutē tēms sēn maan leebg sullā n get-b sādā yell na tōog n paam n lvis a toog tērā bāng luglg sēn ta 25% leebg sull nin sēn boonda ti Faaso ray (FASO RAILS) wā laog zugu.

Woto, Faaso ray wā laog sēn yaa miliyaar piigā, yaa Burkīna goosneerā ne a tūmd-n-taas n tar 95%, ti tūmd-m-meng rāmbā, tar 5%.

No-rik kaseng kãngā na n kitame ti b tōog n tek goosneerā ne Afirik tēngā wīndg sēn lutē tēms sēn maan leebg sullā n get-b sādā yellā laogo.

II. KOE-ZĚKDSE

II.1. Na-zakē minisri, n leb n ya minisr sēn get koob tuuma, guvgo, la koom pugē bōn-vuli koglg yellā, zēka koēeg n wilg minisr-dāmbā koodā tiksg rōandā 2025-2026 koobā yuumdā.

Burīna Faaso yāka yam 2023 yuumdā n viglg noor n na n zab ne koobo, guvlg la koomē bōn-vuli yōgb kom sēn boond ti Owapeyas (OAPH) t'a raab yaa n tōog n soogd d mens ruti wēengē sēn sung ne 2025 yuumdā. Yaa sēn kēed ne Sonazes (SONAGESS) sēn yaa sull sēn get ruti bīngr yelle, b sēn maan ti yaa raasem zī-kaseng sēn tigsg koodā rōandā 2025-2026 koob yuumdā. Nao-kēn-kāngā yaa sēn na n paam n da kood ne tēngā koodba, la tōog n ges ti koodā ligd ra wing raasā pugē ye.

Woto, yam yākrā yaa tigs kood sēn yaa bōn-beel rōandā 2025-2026 koob yuumdā ti ta toaand 530 000 (kamaana, baninga, ka-zēega ne mui-paoko) n le paas ne (benga) sēn pu wa sēn pogdā :

- mui-paokā toaand tus kobs-tāabo (t 300 000) ;
- kamaanā toaand tus koabg la pis-nu (t150 000) ;
- ka-zēegā toaand tus pis-tā (t30 000) ;
- baningā toaand tus piig la a nu (t15 000) ;
- bengā toaand tus pis-tā la a nu (t 35 000).

Bōn-beelā toaand 530 000 wā tigsg ligd magb yaa w19 168 805 000 sēn ya Seefa (CFA) wā ligdi, la b segd n paas-a-la ligd zēms sēn na yil tōog n duk koodā n taas a bīngr zīgē la ligd me sēn na n da a te-wukdi wā. Ligd-kāensā wusg na n yii Sonazes nengē ne sōngr a taab sēn yit kēenga.

Raasmā ligd viglga wa koadbā yaoodo, la a le yaa ligd sēn na n kit ti koodā ligd ra wing raasā pugē ye.

Yuum-sarā kiuug pugē, d mikame ti koodā tigsg pāng paasa wusgo.

II.2. Minisr ning sēn get Burkīna ne tēn-taasā zoodo, zems-n-taar na zīnd tēmsā ne taab sūka, la burkīnabē-rāmb sēn be tēn-zēmsā yell talla **koes a tā** (03) n taas minisr dāmbā :

- **A pipi koεεgā** pvgē, yaa b sēn yāk Burkīna t'a kē Inesko tvum sula tāab pvgē, yvum 2025 wā sapaolgā kiuug rasem piig daare, Inesko tigsg 43 soabā sēn zīnd Samarkānd sēn ya Yusbekistā na-tēngā pvgē yell la a gome.

A wilgame ti tōnd tēngā paamame ti b yāk-a t'a kē Inesko tvum-noor ning sēn get-a sari wā pidsg yelle, n na n tum yvum a yiibi (02). B leb n yāk-a lame t'a zīnd a porgarem idrolik ēntergovergenmantallā kōnsey n na n tum yvum a naase. Sēn baasde, tōnd tēngā paamame ti b yāk-a, t'a na n zīnd Inesko goofneem dāmb sull sēn maood ti b lebg n kō tēmsā b rog-n-migsā teedo, n na n tum yvum a naase (04)

Sā n ya ne minisrā, waoor ning Burkīna sēn paam ne Inesko wā, tūuda wusg ne maoor Persdā Ibrayim sēn maan Burkīna ne tēn-taasā zood wēngē, zems-n-taar na zīnd tēmsā ne taab sūka, la tōnd tēngā soog-n-meng wēngē.

Minisr wilgam ti kōnferāns kānga, sēn yaa Inesko tigsg bedrā, yaa būmb b sēn maand yvum a yiib-yiib fāa, sēn na yilē ti tēms nins sēn be-b Inesko sēgd taab n rullā kēnā la b bao ligd ning b sēn tog n tall n teel-a.

- **Yiib soab koεεgā pvgē**, minisr wilga Burkīna sēn zīnd Otis (OTICE) sēn ya sull n gidg zab-te-wēnsā sēn boond ti enerzi nikleyērā, 65 tigsg pvgē, sapaolgā kiuug rasem 10 n ti tāag a rasem 14 Vīyen sēn yaa Otris na-tēngā pvgē sēn yī to-to.

Minisr wilgame,ti tigsgā pvgē Burkīna wilgame t'a saka enerzi nikleyērā gidgr zabā kēesg pvgē, ti a raab me yaa tēmsā fāa sēn na n sak n kē Otis ti b lagem taab n zab ne zab-te-wēnsā maaneg ne enerzi nikleyērā. Burkīna no-reesdbā sēn

zĩnd tigsgã pvgẽ wilgame ti b ratam ti Otis sɔng-b ne Seyende (CND) sẽn get tẽn-tõrã nin-buiid yalẽ rĩgsgã pãng paasgo. Tõnd tẽngã sẽn kẽes a meng enerji nikleyeerã yidgr pvgẽ wã, yaa sẽn na sɔng nin-buiidã vum sɔmblem pãng paoosgo, yaa rẽ, t'a tũnug tigsgã n paam ti bãngdb enerji nikleyeerã pvgẽ paam vẽnegr n paase, sẽn na yulẽ, n gidg tudgr buud sẽn tõe n wa kẽ a pvgẽ ne tẽn-taasã

- **Tãab soab koegã pvgẽ**, minisr wilga Marok ne Burkĩna tũmd-n-taar sek a nu soaba, la tẽms a yiibã yvum 60 zems-n-taar tigr tẽegr sẽn zĩnd Wũgdg yvum 2025 wã yvum-sarã kiuug rasem 10 daarã sẽn yĩ to-to.

Sã n ya ne minisrã, tũnd tẽngã tũnuga ne Marok la tũnd tũmd-n-taarã nu soab sekã n yalg a tũmd-n-taarã ne Marok la a kẽes-a nems a taab sẽn tar yood wũsg ne tẽms a yiibã. Sekã pvgẽ, tẽms a yiibã talla zems-n-taar weems 12 pvgẽ : tũmdã, loembã wẽneb kaset sɛba, nin-buiidã koglgõ, komb-bubã vumã, koobã, soayã, la sɔngr sẽn kẽed nus-tvum zãmsgõ.

Sã n ya ne yvum 60 zems-n-taarã tigr tẽegr pvgẽ, yaa gom-zut a yĩ la tẽms a yiibã lagem taab n yidgi. Pipi gom-zugã «Marok ne Burkĩna tũmd-n-taar nus tvum la bãngr zãmsg weengẽ : a nen-sɔngõ, a zu-loeese, la a beoog neer baoobo ». yiib gom-zugã « Marok tagsg ne Sayellã tẽms tũkr ne Afrik taor la a goabg mogrã : a sẽn ya a soaba rũndã-rũndã, a zu-loeese, la a beoog neer n kũ Burkĩna » .

II.3. Minisr ning sẽn get liise la kolees rãmbã karen-biis kaorengo, tvumã zãmsgõ, la bãng-minimã baoob wilga Burkĩna sẽn zĩnd Ayeyes tẽms salõ (tigsga) Baamak sẽn ya Mali na-tẽngã, yvum 2025 wã sapaolgã kiuug rasem 18 n ti tãag a rasem 21 daarã sẽn yĩ to-to. Tigsgã goma nusã-tvum yelle.

A gom-zug yu : « Nus-tuum zāmsgo, a sabaabs sēn wat ne nin-buiid ne taab kēebo, la Ayeyes tēmsā yidgri ». Gom-zugā yidgri kitame ti Ayeyesā neb paam sōasg la bāngr sēn kēed nusā tuum wēengē ne taab n paase.

Sēn zīnd-b tigsgā pugē wilga teed Burkīna kom-bubā sēn maane. B leb n wilga Burkīna politik la a manesem dāmb sēn kēed ne nusā tuum zāmsgo, la a sēn maan to-to n baood a taoor kēngre.

II.4. Minisr ning sēn get yīn-wisgrā, kom-bubā koglgo, la tuumā luglg yell wilga minisr dāmbā, ti Burkīna sakame n na n deeg Afrik tēms sēn gomd-b fārendā wags-n-taar ne gom-biisā sēn boond ti skrablā, n maan-a Wugdg yuum 2026 tuul-nifā kiuug sēn watā rasem a 9 n ti tāag a rasem¹⁹.

A wilgam ti reemā maaneg na n sōnga kom-bubā ti b wags taab ne bāngr la b pēneg taab n paase. Afrik tēms sēn gomd fārendā skrabl wags-taab sull yāka Burkīna a wīslmā la a nidg-pāng kom-bubā wubr skrablā wēengē, sēn ti yud fāa, tēng nidg pāng sēn kēed ne tēmsā zems-n-taar la zoodā baoobo.

Afrik tēms sēn yud bāmb 19 n na n wa kē wagsgā pugē.

III. TUUMD TAOORE LUUSGO M. KABRE

III.1. NEB TUUMD TAOORE LUUSGO

SĔN TŪUD NE MINISTĚER NING SĔN GET-A NIMBĀAN-ZOEER TUUM SIGLGU, TEEL-TAAB LA TĔN-TŌRĀ ZEMS-N-TAAR BAOOB YELLE ZĪGĔ

Neb niis yvı sĕn pvgdā b tŭus-b lame zĭk tı b na n lebg bi-bees rot sulla taoor dāmba sĕn singd ne sĕoog kiuug rasem 21 yvumd 2025 wā .

- Madaam Nalubebule Anik **DABIRE**, Matrikill 92 573 P ;
- Madaam Hāriyet **RAMDE/NIKĚĚMA**, Matrikill 92 575 M ;
- A Mise Honoore Gregoaar **KARAMBERY**, Matrikill 92 574 D.

Neb niis yvı sĕn pvgdā b tŭus-b lame n zĕk tı b na n lebg bi-bees rot sulla taoor dāmba sĕn singd ne sĕoog kiuug rasem a 8 yvumd 2025 wā .

- A Mise Ytend **KĀGEMBEĚGA**, Matrikill 222 272 J ;
- A Mise Ytend **KĀGEMBEĚGA**, Matrikill 222 271 C ;
- A Mise Abdulay **KEBRE**, Matrikill 222 269 H ;
- A Mise Ubĕer **KI**, Matrikill 222 273 X ;
- A Mise Frederik **WEDRAOOGO**, Matrikill 222 270 V.

Neb niis yvı sĕn pvgdā b tŭus-b lame n zĕk tı b na n lebg lebg bi-bees rot sulla taoor dāmba sĕn singd ne sĕoog kiuug rasem a 22 yvumd 2025 wā .

- A Mise Rene **BAKIONO** sĕn ya pipi kinkirg a tāab svka, Matrikill 113 352 P ;
- A Mise Apolineer **KABOORE**, Matrikill 92 598 G ;
- A Mise Poll **KABOORE**, Matrikill 92 601 C ;
- A Mise Isuf **KUSUBE**, Matrikill 222 275 V ;
- A Mise Niya Ziyē **WATARA**, Matrikill 57 362 L ;

- A Mise Siyaka **WATARA**, Matrikill 240 039 M ;
- A Mise Aleksi **PAARE**, Matrikill 213 760 M ;
- A Mise Sõmayula **SEBGO**, Matrikill 59 961 E ;
- A Mise Saayirnibe zã Eed **SOME**, Matrikill 203 376 K ;
- A Mise Diyalinli **YONLI**, Matrikill 98 081 F.

III.2. TUUM-NOY KIBINDB TAOOR Tİ B NA N Yİ KIBINDB SĒN TŪUD NE :

Tigsgā lusa neb tuum-noy taor ti b na n yi kibindb sēn tūud ne :

- poliis rāmb lekoll-kāsenga (AP) sēn tūud ne **ministēr ning sēn get-a yō-koglg yelle** ;
- Kudg ne Kaya la Tēngāndg logtor yi-kāsensā sēn tūud ne ministēr ning sēn geta laaft wā yellā;
- Tuum-no-kaseng ning sēn get-a kibay wā kūnā (ANPTIC) sēn tūud ne **ministēr ning sēn get tuum-noyā pvsē kibay kūun tuum-te-paal luglg yelle zīgē**;
- Burkīna tēn-baoosmā tuum-noor zīgē (IGB) sēn tūud ne **ministēr ning sēn get me-bəd la soay tugb yelle zīgē**

Tigsgā le lusa neb taor ti b na n yi perzidā rāmb poliis rāmb lekoll-kāsenga (AP) ne Burkīna tēn-baoosmā tuum-noor zīgē (IGB).

A. MINISTĒER NING SĒN GET-A YŌ-KOGLG YELLE

Tigsgā rika dekre a **3**.

Pipi dekre wā yāka nin -bāmba tī b nā n yī poliis rāmb lekoll-kāsenga (AP) kibindba pipi soaba n nā n tī tāag yvum a **3**.

LETAT WĀ NO-RĒESDBA

Sēn tūud ne ministēer ning sēn get-a yō-koglg yelle:

- A Mise Barke Ibrayima **TALL, Matrikill 111 486 E**, Sēn ya poliis rāmb taoor soaba, n nā n led a Madaam Maari Denize SEBG zīiga ;
- A Mise Benewēnde **SĀNKARA, Matrikill 119 404 P**, Sēn ya poliis rāmb taoor soaba , n nā n led a A Mise Wendēmanegde Marwēl ZŌNG zīiga.

Sēn tūud ne ministēer ning sēn get-a bŭ-kaoor la ninsaal yel-sēgdi waoogre, tvum-noy kiblg, la tōog tvum-teed gūub yelle zīgē:

- A Mise Sayiidu **SULAMA, Matrikill 130 401 U**, sēn yaa Bŭ-kaood-kāsenga , n nā n led a Madaam Āntoanet KĀNZIYE zīiga.

TUUM-KIBINDB SĒN NĀ N YI POLUS LEKOLL KĀSĒNG KARENSAAMB DĀMB NORĒESDBA

- A Mise Zaano **NADEMBĒEGA, Matrikill 283 353 T**, Polus na-kāsenga, n nā n leda a Mise Wambi Rolā ZŌNG zīiga.

POLUS-RĀMBĀ LEKOLLĀ TUNTUUMDB ADMINISTRATĒER NO-RĒESA

- A mise Kotiye Alidu **ZIBA, Mle 203 507 Z**, sēn ya Polus Liyetena, n ledga a mise Yam Hoseni **ZŌNGO** kīnking a 2 soaba.

POLUS-RĀMBĀ LEKOLLĀ KAREN-BIISĀ ADMINISTRATĒER NO-RĒESA

- A mise Arno **YE, Mle 109 585**, sēn ya Komiseer depolus karen-biiga, sēn ya Delege zeneral a kaoosgā pvgē, n ledga a mise Sakado Edmo **WEDRAOOGO**.

Yiib (02) soab dekre wā ye paasda neb nins sēn pvgda, tī b lebg Leta Administratēer no-rēes n kō Polus-rāmbā lekollā kōnsey dadministrasēo wā pvgē, yvum a tā (03) manda baasdga.

Sēn kēed ne Ministēer sēn get karen-bi-bēd kaorengo, baoosgo, la bāng-paal baoob yelle :

- A madam Patrisiya Luisi **WEDRAOOGO /ZŪNGRANA, Mle 59 245 P**, sēn Matematik Profeseer kasengā.

Sēn kēed ne Ministēer ning sēn get-a tuntumba, la tēn-tōrā nin-buiid vum-n-taar koglg yelle :

- A madam Estēer Wēndpuure **SAWADGO, Mle 238 003 P**, sēn ya Tuntuumbd yell getb sagenda.

Sēn kēed ne Ministēer ning sēn get-a laog kēgsg ne a tall-n-tum yelle :

- A mise Kiswēndsida Isaka **YĀMBWEOOGO, Mle 212 319 Y**, sē ya Loag kēgsg yell getb sagenda.

Tāab (03) soab dekre wã lɔusa a mise Barke Ibrahima **TALL, Mle 111 486 E**, sɛn ya Polus kōtrolɛɛr zɛnɛral t'a lebg Polus-rāmbā lekoll (AP) kōnsey dadministrasɛo wã Peresidā, yvum a tā (03) manda. A ledga a madam Mari Deniz SEBGO.

A. MINISTƎER NING SƎN GET-A LAAFU TUUM SIGLG YELLE

Tigsgā rāmb rika **dekre a tāabo (03)**.

Pipi dekre wã lɔusa a mise Zakariya **SAWADGO, Mle 226 327 D**, sɛn ya Tuum Ĕnspekteɛr, n lebg Leta wã Administrateɛr, sɛn kēed ne Ministɛɛr ning sɛn get-a tuntumba, la tɛn-tōrā nin-buiid vum-n-taar koglg yelle, n kō Kudug Logtor yir kasengā (CHR) kōnsey dadministrasɛo wã pɔgɛ, yvum a tā (03) pipi manda. A ledga a mise Yamgānegre Zid WEDRAOOGO.

Yiib (02) soab dekre wã lɔusa a mise Wēndimi Parfɛ **KABOORE, Mle 97 990 P**, sɛn ya Tuum Ĕnspekteɛr, n lebg Leta wã Administrateɛr, sɛn kēed ne Ministɛɛr ning sɛn get-a tuntumba, la tɛn-tōrā nin-buiid vum-n-taar koglg yelle, n kō Kaya Logtor yir kasengā (CHR) kōnsey dadministrasɛo wã pɔgɛ, yvum a tā (03) pipi manda. A ledga a mise Gise SUGE.

Tāab (03) soab dekre wã lɔusa a mise Isufu **WEDRAOOGO, Mle 105 246 A**, sɛn ya Tuum Ĕnspekteɛr, n lebg Leta wã Administrateɛr, sɛn kēed ne Ministɛɛr ning sɛn get-a tuntumba, la tɛn-tōrā nin-buiid vum-n-taar koglg yelle, n kō Tɛngādg Logtor yir kasengā (CHR) kōnsey dadministrasɛo wã pɔgɛ, yvum a tā (03) pipi manda. A ledga a mise Daooda WEDRAOOGO.

B. MINISTƎER NING SƎN GET TUUM-NOYĀ PUSĔ KIBAY KŪUN TUUM-TE-PAAL LUGLG YELLE

Tigsgā rāmb rika **dekre yɛnga** n ye paas a mise Kazimir **NINKƎEMA, Mle 109 906 N**, sɛn ya Ĕnformatik Ĕnzeniyɛɛr, t'a lebg Leta wã Administrateɛr no-

rées, sên kēed ne Ministēer ning sên get-a laog kēgsg ne a tall-n-tum yelle, n kō Tēngā azās ning sên geta Teknolozi wā ne kibay kūun sên boond tī Ayēnpetik (ANPTIC) kōnsey dadministrasēo wā pūgē, yvum a tā (03) manda baasdga.

C. MINISTĒER NING SĒN GET ME-BĒD LA SOAY TUGB YELLE

Tigsgā rāmb rika **dekre a tāabo (03)**.

Pipi dekre wā lvusa a mise Betersogne Kitbēer **SŌMDA**, sên ya Ofisiye, t'a lebg Leta wā Administratēer no-rées, sên kēed ne Ministēer ning sên get yō-koglgo, soda-kvd bī ānsiyē kōmbatā-rāmb yelle, n kō Ēnstiti ning sên geta Burkīna Faso tēn-baoosgā yell sên boond tī YIZEBE (IGB) kōnsey dadministrasēo wā pūgē, yvum a tā (03) pipi manda.

Yiib (02) soab dekre wā ye paasda neb nins sên pūgda, tī b lebg Administratēer no-rées n kō Ēnstiti ning sên geta Burkīna Faso tēn-baoosgā yell sên boond tī YIZEBE (IGB) kōnsey dadministrasēo wā pūgē, yvum a tā (03) manda baasdga.

LETA WĀ ADMINISTRATĒER NO-RĒES

Sên kēed ne Ministēer ning sên get me-bēd la soay tugb yelle:

- A mise Misel **KAFAANDO**, Mle **39 679 C**, sên ya Ēnspektēer detrezoor.

BURKĪNA TĒN-BAOOSG TUUM-NOOR TUNTUUMDB

ADMINISTRATĒER NO-RĒES

- A madam Biyenlo Olga Misell **KĀMBIRE/KI**, Mle **50 001 W**, sên Azā komersiyal.

Tāab (03) soab dekre wā ye paasa a mise Misel **KAFAANDO**, Mle **39 679 C**, sên ya Ēnspektēer detrezoor t'a lebg Ēnstiti ning sên geta Burkīna Faso tēn-baoosgā yell sên boond tī YIZEBE (IGB) kōnsey dadministrasēo wā Perezidā, yvum a tā (03) manda baasdga.



www.sig.gov.bf

Goofneer no-rɛɛsa



A Pɛgdwɛnd Zɩlbɛɛr WEDRAOOGO

B paama waoor kũuni sɛn ti yud a taab b tɔvm yĩnga